

PUSAT PERUMAHAN PELAJAR • STUDENT HOUSING CENTRE

MEMO – PUSAT PERUMAHAN PELAJAR BIL. 3/2021

**PEMAKLUMAN MENGENAI PENGINAPAN PELAJAR
LATIHAN INDUSTRI**

1.0 TUJUAN

Memo ini bertujuan memaklumkan kepada pelajar yang terlibat dengan Latihan Industri berkenaan persiapan dan langkah-langkah penjagaan sendiri yang **wajib** diamalkan semasa berada di Kolej Kediaman yang ditentukan oleh Pusat Perumahan Pelajar, UKM.

2.0 LATAR BELAKANG

Latihan Industri adalah keperluan untuk melengkapkan pengajian di beberapa Fakulti di Universiti Kebangsaan Malaysia. Oleh itu, keperluan penginapan oleh mahasiswa/i terlibat adalah sangat tinggi terutamanya yang menjalani Latihan Industri di sekitar Bangi dan luar Bangi. Namun untuk sesi pengajian 2020/2021, dengan cabaran pandemik Covid 19, langkah berhati-hati perlu dilakukan oleh pihak Pengurusan UKM terutama bagi proses penyediaan kemudahan kepada pelajar yang terlibat. Lanjutan daripada itu, pihak Pusat Perumahan Pelajar melalui perbincangan dengan Hal-ehwal Pelajar, Kolej kediaman telah merangka beberapa langkah untuk memastikan penularan Covid 19 dapat dikawal selia sebaiknya.

Pihak Pusat Tanggungjawab (PTJ) yang terlibat dengan penginapan dan mengimbangi kebajikan pelajar amat bimbang dengan aktiviti-aktiviti pelajar yang terlibat dengan Latihan Industri terutama melibatkan hal ehwal keselamatan dan kesihatan pelajar. Ini disebabkan pelajar akan berada dalam kawasan industri dan terdedah kepada risiko pandemik ini jika tidak mengambil langkah berhati-hati dengan pematuhan SOP yang ketat.



MS ISO 9001: 2015

Reg No. : QMS 02549

PUSAT PERUMAHAN PELAJAR • STUDENT HOUSING CENTRE

Sebagai pemakluman, terdapat 3 (TIGA) kategori pelajar yang menjalani Latihan Industri untuk sesi ini iaitu :

1. Pelajar yang menjalani Latihan Industri di dalam UKM.
2. Pelajar yang menjalani Latihan Industri di sekitar Bangi.
3. Pelajar yang menjalani Latihan Industri di Luar Bangi dan melibatkan rentas daerah dan/atau negeri.

Bagi mengelak dan mengawal penularan Covid 19 di dalam UKM, maka memo ini dikeluarkan bagi memberi panduan sebagai persiapan dan langkah berjaga-jaga yang wajib diamalkan oleh pelajar sepanjang berada di fasiliti penginapan UKM.

3.0 KEWAJIBAN PELAJAR UNTUK MEMATUHI SOP

- 3.1 Memo ini adalah terpakai bagi pelajar UKM yang berdaftar untuk latihan industri bagi sesi pengajian 2020/2021.
- 3.2 Pelajar yang berada di dalam dan luar UKM dan akan berdaftar di dalam Kolej kediaman diwajibkan untuk membuat ujian calitan (*swab test*) sekurang-kurangnya ujian RTK-Ag untuk memastikan pelajar berada dalam keadaan yang sihat dan bebas daripada Covid 19. Pelajar boleh melakukan ujian RTK-Ag ini di luar dan membuat tuntutan balik daripada Fakulti masing-masing. Pelajar juga boleh melakukan ujian ini di Pusat Kesihatan UKM di mana caj akan dikenakan kepada Fakulti. Ujian RTK-Ag adalah **diwajibkan** untuk pelajar dan keputusan yang diperolehi negatif sebelum dibenarkan untuk mendaftar.
- 3.3 Pelajar yang mempunyai kontak rapat dengan pesakit covid 19 dan perlu menjalani tempoh pengasingan adalah tidak dibenarkan untuk mendaftar. Pelajar perlu mendapatkan pengesahan bebas covid dan tamat tempoh kuarantin sebelum dibenarkan mendaftar.
- 3.4 Pelajar wajib mematuhi segala *Standard Operational Procedure* (SOP) dan peraturan yang digariskan oleh MKN dan UKM.
- 3.5 Pelajar diminta untuk mengisi borang Pengisytiharan Kesihatan *Health Declaration Form* (HDF) yang boleh didapati dalam sistem UKM.



MS ISO 9001: 2015

Reg No. : QMS 02549



PUSAT PERUMAHAN PELAJAR • STUDENT HOUSING CENTRE

- 3.6** Pelajar kategori 2 dan 3 dinasihatkan menjalani ujian calitan (*swab test*) secara berkala bagi memastikan mereka sihat dan bebas dari Covid 19.
- 3.7** Pihak Kolej akan membuat pemantauan secara berkala.
- 3.8** Pelajar wajib mengamalkan kawalan sendiri yang tinggi untuk memastikan semua berada dalam keadaan selamat.
- 3.9** Pelajar boleh dikenakan tindakan tatatertib jika tidak mematuhi SOP yang telah digariskan mengikut kaedah tatatertib sediaada termasuk arahan keluar kolej.
- 3.10** Peraturan di dalam Memo ini tertakluk kepada sebarang perubahan oleh Majlis Keselamatan Negara dan pihak UKM dari semasa ke semasa.

Kerjasama pelajar untuk mematuhi peraturan dan garis panduan yang telah ditetapkan adalah amat dihargai. Sekiranya pelajar memerlukan maklumat lanjut berkaitan memo ini, boleh menghubungi Pusat Perumahan Pelajar di talian 03-8921 4367 atau email : pghperumahan@ukm.edu.my.

PUSAT PERUMAHAN PELAJAR
27 Julai 2021



MS ISO 9001: 2015

Reg No. : QMS 02549

PUSAT PERUMAHAN PELAJAR

Aras 4 Bangunan Pusanika, Universiti Kebangsaan Malaysia, 43600 UKM Bangi, Selangor Darul Ehsan Malaysia
Tel.: +603-8921 4367/3756/3796/3799 Email : pghperumahan@ukm.edu.my